


h42.

No

8

საქმის



ტფილისის პროლეტარიატმა ბრწყინვალედ ჩაატარა საერთაშორისო
ომის საპროტესტო დღე — პირველი აგვისტო. სურათზე სახმედვაქ-
რობის მიერ გამოყვანილი ავტომობილი.

1 9

ა გ ვ ი ს ტ. ო

რეგისტრაციის

საქ. ცენტრალურ დაჯ. ტფ. კომიტეტების
უკველთვიური მუკგანო

2 9

ტფილისი

კაკიტალისტურ ქვეყნებში

პოლონეთი

პატიმრებს სცემენ ლუკოცის საპატიმროში.

მაისის ბოლო რიცხვებში, ლუკოცის საპატიმროში მა-
შაკტა და დედაკაცთა კორპუსებში გათამაშებული იქნა
სისხლიანი კომედია, რომელიც შედეგად მოჰყვა საპატიმ-
როს ახალ გამგის სურმიცის პროვოკაციულ საქციელს.



პირველი მაისი ლონდონში. სურათზე: ქალთა მეომარი გუნდი
დემონსტრაციაზე.

სურმიცკიმ პოლიტ-პატიმრებს აუკრძალა გაზეთების კი-
თხვა, წერილების მიღება და წიგნებით სარგებლობა და
საქნებში დაანაწილა სათითაოდ სისხლის სამართლის დამ-
ნაშავეებთან ერთად.

სურმიცკის ბრძანებით სრულიად დაჰედეს პატიმრე-
ბით სავსე 18 ოთახის ფანჯრები. პოლიტიკურებმა ამის
შესახებ განაცხადეს სასტიკი პროტესტი, მაგრამ ადმინის-
ტრაციამ სასწრაფოდ გამოიწვია ზედამხედველები და პა-
ტიმრების საკნებში შეუშვეს წყალი სახანძრე მილებით.
ამის შემდეგ სურმიცკის მეთაურობით საპატიმროს ზედა-
მხედველები შევარდნ საკნებში და რაც შეეძლოთ სცე-
მეს პატიმრები. დღეს რამდენიმე მძიმედ დაჭრილი პატი-
მარი მოთავსებულია საავადმყოფოში.

„71“ პროცესი.

ამ დღეებში გროდნის საოლქო სასამართლოში მოს-
მენილ იქნა „71“ ბელორუსელი მუშების საქმე, რომლებ-
საც ბრალდებით წაყენებული აქვს დასავლეთ-ბელორუ-

სეთის კომპარტიის წევრობა. სასამართლომ მათ საერთო
ჯამით მიუსაჯა 260 წ. კატ., — ე. ი. თითოეულს 1—15 წ.

დემონსტრაცია სასამართლოში.

მიმდინარე წლის ივნისის ბოლო რიცხვებში ლობჯის
სასამართლომ 5 კომკავშირელს 4-4 წ. კატორღაში მუ-
შაობა მიუსაჯა. განაჩენის მოსმენის შემდეგ ბრალდებუ-
ლებმა ასტეხეს ყვირილი: „ძირს, ფაშისტური სამსჯავრო!
ძირს თეთერი ტერორი!“ და ამის შემდეგ დასტექეს „ინ-
ტერნაციონალი“. სასამართლოს თავმჯდომარის განკარ-
გულებით ისინი სასწრაფოდ გაიყვანეს დარბაზიდან და
სათითაოდ გადაგზავნეს საპატიმროში.

სამხრეთ-სლავია

პოლიტ-პატიმართა მკვლელობანი.

სამხრეთ-სლავიაში ჯერ კიდევ არ შეწყვეტილა პო-
ლიტ-პატიმართა მკვლელობანი. ბულგარეთის საზღვარზე
პოლიციელებმა მოჰკლეს სამი მუშა, რომელთა სახელი და
გვარი ჯერ-ჯერობით გამოურკვეველია. მაისის 9 იმავე
ადგილას — სოფელ ბაჩევოს მახლობლად ოხრანკელებმა
მოჰკლეს ვილაც უცნობი პირი. ზაგრებას პოლიციის სამ-
მართველოდან უგზოუკვლოდ დაიკარგა მქსოველი მუშა-
ქალი, რომელიც დაპატიმრების შემდეგ დაკითხული იქნა
და რომლის მიმართ სასტიკი რეპრესიები გამოიჩინეს პო-
ლიციის მოხელეებმა. ეს ქალია — ბუტორაც-პარავიჩი.
ის მქსოველთა პროფესიონალური კავშირის ცენტრალუ-
რი კომიტეტის წევრია და მისი დაკარგვა დიდ მითქმა-მო-
თქმას იწვევს. ფიქრობენ ამას სერიოზული ამბები უნდა
მოყვესო.

მეჩსიკა

ხულიო მელის მკვლელი განთავისუფლებულია

კუბის მთავრობის აგენტი ხულიო მელის მკვლელი —
ხოზე მაგრინატი, რომელიც დაპატიმრებული იყო ამ ოთ-
ხი თვის წინად განთავისუფლებულია. მისი განთავისუფ-
ლების მიზეზად ასახელებენ საბრამდებლო საბუთების
უქონლობას. საპატიმროდან განთავისუფლების შემდეგ
მაგრინატი უგზო-უკვლოდ მიიმალა. ორიოდე დღის შემ-
დეგ გამოიკა ხელ-ახალი ბრძანება მისი შეპყრობის შესა-
ხებ, რადგანაც პროკურატურამ უკვე დააგროვა მისი წი-
ნაღმდეგ აღძრული საჩივრის დასამტკიცებელი საბუთები.

**რემედასი ინტერნაციონალიზმის იდეის გამტარებელია ახალ-
გაზრდათა შორის.**

**ახალგაზრდებო, არ დაივიწყოთ ბურჟუაზიის მიერ განაწამები
ახალგაზრდა რევოლუციონერები.**

ასეთი დანაკლისის შემდეგ კიდევ უფრო შეემაძიდროვებო ჩვენს რიგებს, კიდევ უფრო მაღლა ავსწევთ ჩვენს რევოლუციონურ დროშებს, კიდევ უფრო მაგრად ჩავსკიდებთ ხელს ჩვენს იარაღს.

ამხ. ფაბრიციუსის დაკარგვას კავკასიის წითელდროშოვანი არმიის მებრძოლნი ისე, როგორც მთელი წითელი არმია, უპასუხებენ თავისი რიგების შემკმდროებით ლენინური პარტიის ირგვლივ, თავისი მებრძოლი ძალების განმტკიცებით. წითელი არმია მტკიცეთ და მდგრად განაგრძობს ბოლომდე ბრძოლას სოციალიზმისა-

თვის. ე. ი. იმ საქმისათვის, რომელსაც იან ფრიცის-ძემ შესწირა მთელი თავისი სიცოცხლე. დეე, სიცოცხლობდეს მდგრადი მებრძოლის იან ფრიცის-ძე ფაბრიციუსის ხსოვნა პროლეტარულ რიგებში. დეე, სიცოცხლობდეს და განმტკიცდეს ჩვენი ქვეყნის სოციალისტური მშენებლობა და მისი შეიარაღებული ძალა — მუშურ-გლეხური წითელი არმია.

ბ. იპო.

პოლონეთის მუშათა და გლეხთა დელეგაცია საქართველოში

აგვისტოს 21, საქართველოს სამხედრო გზით ტფილისში ჩამოვიდა პოლონეთის მუშათა დელეგაცია შემდეგი შემადგენლობით: ამხ. მ ა ც, ს ტ. ლ ა ნ ც უ ც კ ი, ბ ო რ ო ვ ი ა კ, ზ ე მ ბ ა, გ უ ნ კ ე რ, ბ ე მ და სხვ.

დელეგაციის შესახვედრად ტფილისიდან ფასანაურამდე გაემგზავრენ: საქ. ცაკის მდივანი ამხ. ს. თ ო დ რ ი ა, პროფკავშირების თავმჯ. ამხ. ბ ა გ რ ა ტ მ ა ჩ ა ი ძ ე და რემედისის საქ. ცეკას მდივანი ამხ. მ. ც ქ ვ ი ტ ი ნ ი ძ ე.

21 აგვისტოს საღამოს სრულ 6 საათზე დელეგაცია ეწვია ტიფილისს. დელეგაციის შესახვედრად რემედისის მიერ სასტუმრო „ორიანტი“-ს წინ მოეწყო გრან-

დიოზული მიტინგი, სადაც სიტყვებით გამოვიდნენ როგორც ადგილობრივი ხელმძღვანელი ამხ. ისე დელეგაციის წევრები.

მიტინგზე ვრცელი სიტყვები წარმოსთქვა დელეგაციის მდივანმა — ამხ. ს ტ. ლ ა ნ ც უ ც კ ი მ, რომელსაც მხურვალე ოვაციები გაუმართა დამსწრე მუშა-მოსამსახურეებმა.

დელეგაცია საქართველოში დარჩა ხუთი დღე. ამ ხნის განმავლობაში მათ დაათვალიერეს ტფილისსა და მის ახლო-მახლო მდებარე უბნებში არსებული წარმოება-დაწესებულებები, კოლმეურნეობანი, აღმშენებლობანი, ბავშვთა სახლები, გამსახლები და სხვ.

ს ტ ა ნ ი ს ლ ა ვ ლ ა ნ ც უ ც კ ი

(მოკლე, ბიოგრაფიული ცნობები)

ამხ. ს ტ. ლ ა ნ ც უ ც კ ი დაიბადა 1882 წ. ბავშობიდან ის მუშაობდა ქვის მთელელად, ამის შემდეგ ზეინკალის მოვალეობას ასრულებდა რკინის გზის სახელოსნოებში. ჯერ კიდევ სრულიად ახალგაზრდამ, მან აქტიური მონაწილეობა მიიღო მუშათა რევოლუციონურ მოძრაობაში პოლონეთის სოციალ-დემოკრატიულ პარტიის* რიგებში. ომის წლებში ის შევიდა პეპესოველების სამხედრო ორგანიზაციაში, რომელიც პილსუდსკის ხელმძღვანელობით ავსტრიის ჯარების რიგებში იბრძოდა პოლონეთის დამოუკიდებლობისათვის.

მებრძოლ ადამიანში თავი იჩინა რევოლუციონურმა აღტკინებამ და პროლეტარულმა თვითშეგნებამ, რომელმაც ამხ. ლ ა ნ ც უ ც კ ი ჩამოაშორა „სამშობლოსათვის თავდადებულთა“ ხროვას და ის დაუბრუნა პოლონეთის მუშათა კლასის გამანთავისუფლებელ მოძრაობას. ავსტრიის ხელისუფლებისათვის ცხადია მიუღებელი იყო ასეთი, კლასობრივად შეგნებული ამხანაგები, მათი ერთი იდეისათვის ბრძოლა შეუძლებელი იყო. ამ ნიადაგზე ამხ. ლ ა ნ ც უ ც კ ი იძულებული გახდა თავი გაერიდებია პოლიციის შურისძიებისათვის.

1919 წ. დამოუკიდებელი პოლონეთის აღმოცენების შემდეგ ის აირჩიეს მუშებმა თავიანთი დეპუტატად სეიმში. ის აქ გავიდა როგორც პეპესოველთა (პოლონეთის სოციალისტური პარტია) პარტიის წევრი, მაგრამ არჩევის

შემდეგ ის დიდხანს არ დარჩენილა ამ ნაციონალურ პარტიის რიგებში.

1921 წ. ამხ. ლ ა ნ ც უ ც კ ი საბოლოოთ ჩამოშორდა პეპესოველთა პარტიას და ის სათავეში მოექცა პოლონეთის



ამხ. ლ ა ნ ც უ ც კ ი.

მუშათა კლასის რევოლუციონურ მოძრაობას. იმავე წელს ჩატარებულ არჩევნებში პოლონეთის მუშათა კლ-

სმა ის ხელმეორედ აირჩია თავის დეპუტატად, მაგრამ ამ შემთხვევაში ის უკვე კომუნისტური პარტიის დეპუტატად გავიდა სეიმში.

1924 წ. სეიმმა მას წაართვა დეპუტატის ხელშეუხებლობის უფლებები, გადასცა სასამართლოს, რომელმაც მიუსაჯა 6 წ. პატიმრობა. მთელს პოლონეთში ჩატარდა მუშათა უდიდესი საპროტესტო კამპანიები ამხ. ლანცუცკის, ამ თავგანწირული მებრძოლის დასახსნელად. ბურჟუაზიას არ შეეძლო ანგარიში არ გაეწია ამ პროტესტებისათვის, ის იძულებული შეიქნა ვადამდე გაენთავისუფლებია საპატიმროდან თავისი დაუძინებელი მტერი.

ამჟამად დასავლეთ უკრაინის მუშებმა ამხ. ლანცუცკი აირჩიეს თავის დელეგატად და გამოაგზავნეს საბჭოთა კავშირში. ამხ. ლანცუცკიმ პოლონეთის მუშათა კლასის სხვა დელეგატებთან ერთად ჩამოიარა საბჭოთა კავშირის ყველა მნიშვნელოვანი სამრეწველო ცენტრები, მუშათა რაიონები, ფაბრიკა-ქარხნები, საკუთარი თვლით ნახა ჩვენი სოციალისტური სამშობლოს გიგანტიური აღმშენებლობა და აღფრთოვანებული გაემგზავრა ისევ უკან — ჯამბიტურ პოლონეთში, რათა გადასცეს იქაურ მუშებს ის უდიდესი შთაბეჭდილებები რომელიც მან მიიღო ჩვენში.

ს ი ს ხ ლ ი ა ნ ი თ ა რ ე შ ი რ უ მ ი ნ ე თ შ ი

რუმინეთში ახლო წარსულში მომხდარი ამბები თავისი საშინელებით აჭარბებს ყველა იმ კონტრევოლიუციონურ გამოსვლებს, რომელსაც იქ ადგილი ჰქონდა ბურჟუაზიული ნაძირალების მხრივ.



ბრანდენბურგის მუშებმა მოაწყვეს უდიდესი დემონსტრაცია, ისინი ქუჩებში გამოვიდნენ წითელფრონტელების აკრძალული ტანისამოსით. პოლიციელებმა ალყა შემოარტყეს დემონსტრანტებს და მოითხოვედნ ტანისამოსის გახდას. სურათზე ტანისამოსგახდილი დემონსტრანტები.

მდინარე ჟილავას დაბლობებში, სახელდობრ, სემიგრადში, სადაც ერთი წლის წინათ რეფორმისტულ პროფკავშირებს ჰქონდათ თავიანთი ძლიერი პუნქტი, ნაციონალურ-გლეხურ პარტიის ხელისუფლების ბრძანების თანახმად, რომელიც სოციალ-დემოკრატიული პარტიის უშუალო დახმარებით სათავეში მოექცა მმართველ-გამგეობას, მოკლულ იქნა ოცდა თორმეტი მუშა, ხოლო დაპატიმრებულთა და დაჭრილთა რაოდენობა მრავალ ასეულს აღემატება. ეჭვს გარეშეა ეს ცნობა, რომელიც გატარებულია ბურჟუაზიული ცენზორის მუხრუჭებში სრულ სისწორეს ვერ გადმოგვცემს.

ჩვენ კარგათ ვიცით ის გარემოება, რომ რუმინეთში არ ენანებათ ვაზნები, როცა საქმე ეხება მუშათა კლასის დარბევას, ჩვენ ისიც კარგათ ვიცით, რომ რუმინელი ჟან-

დარმები და ხულიგნური ჯარისკაცები ძალიან დახელოვნებულნი არიან მუშათა რევოლუციონურ მასების დარბევა-აწიოკებაში.

დაახლოვებით ერთი წლის წინათ იგივე მუშათა კლასი, ნაციონალ-ცარანისტების (გლეხთა ნაციონალური პარტია) და რეფორმისტულ პროფ-ბიუროკრატიის ხელმძღვანელობით დემონსტრაციას ახდენდა ალბა-იულიში. მათ გრანდიოზული დემონსტრაცია მოაწყვეს ლიბერალური პარტიის მთავრობის წინააღმდეგ. ისინი ათასობით მწყობრათ დარაზმულნი მოდიოდნენ ალბა-ილიში პეტროშანის, ვულკანის, ლიუპენის და სხვა რაიონებიდან, რათა თავიანთი ზიზლი გამოეცხადებიათ თეთრი ტერორის რეპრესიებისა და საშინელი რეჟიმისათვის.

რუმინელ სამთო-მადნო მუშების მღელვარებანი სოციალდემოკრატიების დახმარებით ნაციონალ-ცარანისტებმა გამოიყენეს რუმინეთის ბურჟუაზიის ინტერესებისათვის, მაგრამ, მუშები უფრო შორს წავიდნენ ვინემ ეს სურდათ მათ ხელმძღვანელებს. ალბა-იულიში ჩატარებულ დემონსტრაციის შემდეგ მუშებმა ხელში ჩაიგდეს ერთი ორთქლმავალი რამდენიმე რონოდით, რათა უკან ისევ ფეხით არ დაბრუნებულიყვნენ.

მანიუს ხელისუფლების სათავეში მოქცევამ უეცრად ვერ გამოაუხიზლა სამთო-მადნო მუშები. სოციალ-დემოკრატებმა, რომლებმაც ნაციონალურ გლეხურ პარტიის დახმარებით გაიძვრულად ხელთ იგდეს ცხრა მანდატი დეპუტატთა პალატაში, შეეცადნენ ჟილავის სამთო-მადნო მუშათა მასაში შეექმნათ ილიუზია შესახებ იმისა, რომ რუმინეთში გლეხთა პარტია მოაწყობდა დემოკრატიულ გადატრიალებას. მიუხედავად სოციალ-დემოკრატიული პარტიის მიერ შექმნილი ყალბი ილიუზიებისა კომუნისტურ პარტიამ და რევოლუციონურმა პროფსაბჭოებმა მოახერხეს ჟილავის სამთო-მადნო მუშათა მასის თავის მხარეზე გადაბირება. მუშებმა ზურგი შეაქციეს სოციალ-დემოკრატიულ და ნაციონალურ-ცარანისტების პარტიებს და მათ სასტიკი ბრძოლა გამოუცხადეს სამთო-მრეწველობის ხელმძღვანელებს.

ძნელი წარმოსადგენია მთელი ის სიღარიბე-სიღატაკე, რომელიც მძვინვარებდა და სულს უხუთავდა ჟილა-

ვის რაიონის მუშებს. ამ უკანასკნელთ ტანზე ემოსათ მხოლოდ ძველმანები. ისინი ხელფასს ღებულობდნენ მეტად მცირედი რაოდენობით, ისიც „ნატურით“. ხელფასის აღების ასეთი ფორმა სამთო-მადნო მუშას ხდის ნამდვილ მონად, ის მთელი თვეობით ვერ ხედავს გროშსაც კი დახარჯული შრომის ასანაზღაურებლად.


ჟილავის დაბლობებში მომუშავე მუშები წარმოდგენენ ღუნაისა და ბალკანეთის ყველა მხარებიდან ჩამოსულ მუშების ნაკრებს. ჯერ კიდევ უნგრელების დროს ხელისუფლება და მრეწველნი ერთი მეორის წინააღმდეგ ამხედრებდნენ სხვა და სხვა ეროვნებათა წარმომადგენელ მუშებს. რათა არ მიეცათ მათთვის მჭიდროთ შეკავშირების საშუალება და ჩაეჭოთ მოსალოდნელი, ორგანიზაციულათ მტკიცეთ ჩამოყალიბებული პროლეტარიატის ერთსულოვანი გალაშქრება მჩაგვრელების წინააღმდეგ.

მდგომარეობის სრულ ბატონ-პატრონათ აქ გვევლინებოდა ჟანდარმთა ხელისუფლება და ჟანდარმერიის მიერ დაკანონებული რეჟიმი „ნორმალურად“ ითვლებოდა მთელს ჟილავის დაბლობებში. 1918—19 წ. წ. მუშათა ერთი ნაწილი კომუნისტების ხელმძღვანელობით აწყობდნენ პარტიზანულ თავდასხმებს ჟანდარმთა რეჟიმის დასამხობად. რომელიც გაცილებით უარესი და უფრო მოუთმენელი იყო ვინემ უნგრეთის მთავრობის მიერ დამკვიდრებული რეაქციონური რეჟიმისაგან გამომდინარე შედეგები.

აჯანყების ლიკვიდაციისა და საბოლოოდ განადგურების შემდეგ სოციალ-დემოკრატია შეეცადა რუმინელ ბოარებისა და ბანკის მნათობების კარნახით გადაებირება ისინი და წარემართა მათი მოძრაობა სამთო-მრეწველობის კაპიტალის სასარგებლოდ. ამ ნაძირალებმა მართლაც რამდენიმე ხნით მოახერხეს მეტად სერიოზული კლასობრივი შეტაკებათა შენელება და მისი განვითარებისათვის ხელის შეღწევა, მაგრამ ასეთი მდგომარეობა დიდხანს არ გაგრძელდებულა.

რამდენიმე თვის წინათ მიუხედავად სოციალ-დემოკრატიულ დეპუტატებისა და ნაციონალ ცარანისტების პარტიის მიერ აკრძალვისა ამ ოლქში განსაკუთრებული მდგომარეობა არ შენელებულა. ჟილავის დაბლობებში გაიგზავნა თავიდან ფეხებამდე შეიარაღებული ჟანდარმერია. სოციალ-დემოკრატები და ამსტერდამის პროფკავშირები მთელი თავიანთი ძალდონეს ახმარდნენ იმას რათა არ მიეცათ მუშებისათვის სამუშაო ხელფასის მომატებისათვის ბრძოლის წარმოების საშუალება. ისინი არწმუნებდნენ მუშებს რომ ვალიუტის სტაბილიზაციის შემდეგ მანიუს ხელისუფლება მიიღებდა ყოველგვარ ღონისძიებას სიძვრის აღმოსაფხვრელად და ამით ის შესძლებდა გაფიცვების გამომწვევი მიზეზების მოსპობას, რაც თავდები იქნებოდა სამუშაო ხელფასის ერთი-ორად გადიდებისა.

სოციალ-დემოკრატია და ამსტერდამის პროფკავშირებმა მთელი თავიანთი ძალდონე მოახმარეს იმას, რათა მშვიდობიანის გზით ხელი შეეშალათ ხელფასის მომატებისათვის, რომელიც მიზნათ ისახავდა მუშათა კლასის მდგომარეობის გამოსწორებას. ამავე დროს ნაციონალ-ტარანისტების ხელისუფლება ჟილავის დაბლობებს ავსებდა კარგათ შეიარაღებულ ჯარიკაცებით, რათა საჭიროების დროს ძალით ჩაეჭოთ ყოველგვარი მუშათა რევოლუციონურ გამანთავისუფლებელი მოძრაობანი.




პეპესოველების (პოლონეთის სოციალისტური პარტიის) ნებაყოფლობითი დრუჟინის წევრები.

სასაცილო და ყოველად უზადრუკი კოლექტიური ხელშეკრულების ვადის დასრულების შემდეგ მუშებმა ათი საათის მაგივრად მოითხოვეს რვა საათის სამუშაო დღის დაწყება. კაპიტალისტებმა არავითარი მოლაპარაკების წარმოება არ მოისურვეს მუშებთან, რასაც შედეგათ მოჰყვა ის სისხლიანი თარეში, რომელიც გვაუწყა ჩვენ რუმინეთის ცენზურამ.

ეს სისხლიანი ამბები ერთის მხრივ მოწმობს რუმინეთის გაფაშისტებას „რუმინეთის დემოკრატიული პარტიის ხელმძღვანელობით“. ამასვე მხარს უჭერს ნაციონალურ გლეხური პარტია. მათ მხარეზეა არა მარტო რუმინეთის სოციალ-დემოკრატიული პარტია არამედ მთელი მეორე ინტერნაციონალი, მეორე და ამსტერდამის ინტერნაციონალების ყველა ბეჭდვითი ორგანოებში რუმინეთის სოციალ-დემოკრატები ხოტბას ასხამენ მანიუს ხელისუფლებას. იმათ აუწყეს მთელს ქვეყნიერებას, რომ ეს მთავრობა თავის მოღვაწეობაში იტევს არა მარტო დემოკრატიულ ერას, არამედ ის ამავე დროს არის ფართე სოციალისტური კანონმდებლობის დამკვიდრებელი, სადაც არავითარ ტერორისტულ აქტებს მუშათა მოძრაობის წინააღმდეგ ადგილი არა აქვს.

არცერთი კომკავშირელი არ უნდა იყოს რემედასის რიგების გარეშე.

ავსტრიელმა მარკსისტებმა საშინელი კამპანია აწარმოეს კომუნისტების წინააღმდეგ, რომლებსაც ბრალს სდებდნენ იმაში, რომ თითქოს ეს უკანასკნელები ხელს უშლიან მანიუს მთავრობის უდიდეს ალორძინებითი მოღვაწეობის ნორმალურად მიმდინარეობას. ისინი ცილს



ქ. მექსიკოს სტუდენტთა უდიდესი დემონსტრაცია, რომელიც მოეწყო ახლო წარსულში უნივერსიტეტის რეაქციონური წესდების საპროტესტოდ. სურათზე — სტუდენტებს მიაქვთ ერთ-ერთი რეაქციონერი-პროფესორის კარიკატურა.

სწამებდნენ კომუნისტებს და ამტკიცებდნენ თითქოს რუმინელი კომუნისტები უშუალოდ თანამშრომლობენ ბრატიაუნს ლიბერალურ პარტიის პრესაში მხოლოდ იმიტომ, რომ ხელი შეუშალონ მანიუს მთავრობას და სოციალ-დემოკრატიას რუმინეთის გადემოკრატებაში. მე-

ორე ინტერნაციონალი მთლიანად წარმოადგენს მანიუს მთავრობის საყვირს. არავისში ექვს არ იწვევს ის გარემოება, რომ ჟილავის მიდამოებში მომხდარ სისხლიან ჟლეტის შემდეგ, რომელმაც მოგვცა ნამდვილი სახე 1912 წ. რუსეთის ჟანდარმერიის მიერ ლენის რაიონში ჩადენილი ამბებისა, მეორე ინტერნაციონალი მხარს დაუჭერს მას და გვერდში ამოუდგება ცარანისტებისა და რუმინეთის სოციალ-დემოკრატიულ პარტიის სულის ჩამდგმელებს.

ჟილავის დაბლობებში მომხდარი ამბები ნათლად გვეუბნება, რომ მუშათა კლასისა და უღარიბესი გლეხკაცობის სტიქიური მღელვარებანი უდიდეს მოთხოვნილებას უყენებს რუმინეთის პროლეტარიატის რევოლუციონურ ავანგარდს — რუმინეთის კომუნისტურ პარტიას, რომელიც დღეს-დღეობით ღრმა ჭერ ქვეშ არის მოქტეული. რუმინეთის კომუნისტური პარტია მთელ თავის ძალღონეს მოახმარს ამ ამოცანების სისრულეში მოყვანას.

რუმინეთის მუშებისა და გლეხების მეთაურობით, რომელიც იმყოფება რუმინეთის ბურჟუაზიის (ბესარებია, ბუკოვინა, დობრუჯა და სხვ.) ოკუპაციის ქვეშ, საერთაშორისო პროლეტარიატის დახმარებით გააცხოველებს სამკვდრო-სასიცოცხლო ბრძოლას მანიუს სისხლიანი მთავრობის და მისი დამკაშების, სოციალ-დემოკრატების წინააღმდეგ, რათა ეს ვიგინდარა ნაძირალები აღგავონ მიწის პირიდან და ერთხელ დაწყებული განმანთავისუფლებელი მოძრაობა მიიყვანონ ბრწყინვალე გამარჯვებამდე.

გ. დ — ლი.

განვაგრძოთ ბრძოლა რათაც უნდა დაგვიჯდეს

მხოლოდ ახლა იშლება ნამდვილი სურათი იმისა, რაც მოხდა სინამდვილეში პირველ აგვისტოს კაპიტალისტურ ქვეყნებში. იმისათვის, რომ უმნიშვნელო სახით წარმოედგინა მუშათა კლასის გამოსვლები. პირველ აგვისტოს ომის წინააღმდეგ, საერთაშორისო პოლიციამ ნიშანი მისცა საერთაშორისო ბურჟუაზიულ პრესას სწერონ კომინტერნის მიერ პირველ აგვისტოსათვის დანიშნულ „ერთადერთ მსოფლიო რევოლუციის“ დამარცხების შესახებ.

ჩვენ არ გვიყვარს ჩვენი ძალების გადაჭარბებულად შეფასება, ისე, როგორც ბურჟუაზიის პოლიტიკოსები ქებადიდებდნენ ასხამენ კაპიტალიზმის სტაბილურობას.

კომინტერნის აღმასკომის მე-10 პლენუმზე ჩვენ წამოვაყენეთ ამოცანა ხელმძღვანელი როლის დაპყრობის შესახებ მსოფლიო მუშათა მოძრაობაში. მომავლად კლასის შიში პროლეტარული ძალების წინაშე შემთხვევითი არ არის; მისი ფესვები ჩამარხულია კაპიტალისტური წესწყობილების დაღუპვის ისტორიულ აუტლებლობაში.

ბურჟუაზიის ის ნერვიულობა, რომელიც მან გამოიჩინა პირველ აგვისტოს, მაჩვენებელია, რომ მას არ სწამს მმართველი კლასების ძლიერება.

კაპიტალისტურმა სამყარომ მობილიზაცია უყო კლასობრივი ჩაგვრის აპარატის ყოველგვარ საშუალებებს.

ჩვენ კომუნისტები ვერავითარ ნიჭიერათ დაწერილი წიგნებითა და წერილებით ვერ დავანახებდით მშრომელ მასებს შინაურ და გარეშე ომის ყველა ხვეულებს როგორც ეს დაანახვა ბურჟუაზიის ძალმომრეობის მთელი აპარატის ამოძრავებამ ომის სასარგებლოდ. არავის არ შეეძლო ისე შეერყია მასების პაციფისტური ილიუზიები, როგორც ეს მოახდინა მხეცის გასისხლიანებულმა ხახამ.

ათეული მუშა რევოლუციონერი აწამეს, ათასები დაასახიჩრეს, ათეული ათასი დაატუსაღეს და მხოლოდ იმისათვის, რომ მათ არ სურთ კვლავ ზარბაზნის კერძათ გახდნა საერთაშორისო ონავარების სასარგებლოდ. ყველა კომპარტიები კანონს გარეშე იქნა გამოცხადებული ამ დღეს, მთელი კომუნისტური პრესა მოსპეს და ამ დღეს მუშათა უბნები გადაქცეული იყო სამხედრო ბანაკებათ.

კლასობრივი აპარატის მობილიზაციასთან ერთად მან დარაზმა სოც-ფაშიზმი: სოც-დემოკრატია კლასობრივი ბრძოლის პარტია საბჭოთა კავშირის წინააღმდეგ, პარტია, რომელიც აშკარათ უჭერს მხარს ნანკინის ჯალა-

თებს პროლეტარიატის ბრძოლას ომის წინააღმდეგ — აი ის გაკვეთილები, რომლებიც მიიღო მუშათა კლასმა პირველ აგვისტოს გამოსვლების დროს.

უცხოეთიდან მიღებული ყველა ცნობები პირველ აგვისტოს აქტიური გამოსვლების შესახებ, ლაპარაკობს იმას, რომ ესლა ბრძოლამ ომის წინააღმდეგ ფართოდ მოიცვა მუშათა მასები. მან გამოათხიზლა მასები არა მარტო საფრანგეთში, გერმანიაში და პოლონეთში, ისეთ ქვეყნებშიაც კი, სადაც კომპარტიის გავლენა მასებზე ჯერ კიდევ სუსტია. კომინტერნის მოწოდებას ომის წინააღმდეგ ბრძოლის შესახებ გამოეხმაურენ ჩინეთის, იტალიის, რუმინეთის და სამხერთ სლავიის მუშათა მასები.

რა ხდებოდა ინდოეთში, სამხრეთ-ამერიკაში, მექსიკაში და სხვა ქვეყნებში, ჩვენ ჯერ კიდევ არ ვიცით; მაგრამ რა ვიცით ეს იმის სასარგებლოდ ლაპარაკობს, რომ მთელი ქვეყნის მუშათა კლასი გამოეხმაურა კომინტერნს.

პირველ აგვისტოს გამოსვლები ეპიზოდით არ უნდა დარჩეს: ყველა ქვეყნის კომპარტიების წინაშე სდგას ბრძოლის გაგრძელების ამოცანა, რათაც არ უნდა დაგვიჯდეს.

პირველი აგვისტო იყო წმინდა პოლიტიკური გამოსვლა. ასეთ გამოსვლებში ფართოდ უნდა ჩაებას პროლეტარული ძალები. ბევრმა კომპარტიამ გაუშვა მხედველობიდან პრაქტიკულად დაესვა საკითხი ფართო მასების წი-

ნაშე მასიური პოლიტიკური გაფიცვისათვის. ეს ნაკლი შემდეგში უნდა გამოსწორდეს.

პირველ აგვისტოს წარმატება უდაოა. ჩვენმა კომუნისტურმა პრესამ სისტემატურად უნდა გააშუქოს მუშათა მასების წინაშე პირველი აგვისტოს წარმატებები. თუ შევადერებთ ცნობებს პირველ აგვისტოს დემონსტრაციებში მონაწილეთა რაოდენობის შესახებ, დავინახავთ, რომ კომპარტიების მოწოდებას გაჰყვა ათჯერ მეტი იმაზე, რაც კომპარტიებში ითვლება. ისე რომ ერთმა პარტიულმა გამოიყვანა ქუჩაზე 10 უპარტიო.

ჩვენ გამოსვლებს არ ჩაუთრევია მოძრაობაში ჯარისკაცთა ფართო მასები. დაძმობილების შემთხვევებს არ ჰქონია მასიური ხასიათი. სხვათა შორის ამაში იყო აგვისტოს გამოსვლების ერთ-ერთი ძირითადი მიზანი.

ესლა კომპარტიების ძირითადი ამოცანა უნდა გახდეს მუშაობა იმპერიალისტურ არმიებში. ეს მოითხოვს დიდ მსხვერპლს, რადგან ბურჟუაზია თავის ჯარს უცქერის, როგორც „წმინდათა წმინდას“. ის ყოველგვარად იცავს მას კომუნისტური გავლენისაგან. კომპარტიამ აქაც მედგრად უნდა დასძლიოს დაბრკოლებანი და შეასრულოს დასახული ამოცანა. ასეთი პირობებში პირველი აგვისტო ყოველმხრივ ითამაშებს თავის უდიდეს ისტორიულ როლს.

წ ი თ ე ლ ფ რ ო ნ ტ ე ლ თ ა კ ა ვ შ ი რ ი


წითელფრონტელთა კავშირის არსებობას სულ ხუთი წლის ისტორია აქვს. ის დაარსდა და ჩამოყალიბდა 1923 წელს. ეს მოხდა საქსონიისა და ტიურინგიის რევოლუციონური მოძრაობათა ჩაქრობის, ჰამბურგის აჯანყებისა და პროლეტარული „ასეულების“ აკრძალვის შემდეგ.

წითელფრონტელთა პირველი ჯგუფები ჩამოყალიბდნენ იმ ხანებში, როცა პროლეტარიატის რევოლუციონური მასები მოქცეულნი იყვნენ ჭერჭვეშ. გადაიტანა რა პირვანდელი საორგანიზაციო პერიოდის დროს მიღებული დაბრკოლებანი. ის შეუდგა მშრომელთა ფართე მასებში შეიჭრას, მკვედრი ნიადაგის განსამტკიცებლად და ამრიგად 1928 წ. მისი წევრთა რაოდენობა 2.000 აღემატებოდა. დღეს წითელფრონტელთა, მისი მოკავშირე „იუნგ-ფრონტელთა“ (გაერთიანებული ახალგაზრდობა) და „წითელი დროშის“ (მეზღვაურთა გაერთიანება) წევრები წარმოადგენენ უძლიერეს მასიურ ორგანიზაციას, რომლის წინააღმდეგ მიმართულია ბურჟუაზიული პარტიების ზიზლი, სოციალ-დემოკრატიული პარტიის ბელადების გულის წყრომა, ხოლო პროლეტარული მასები კი იმედებით და აღფრთოვანებით შესცქერიან მათ.

წითელფრონტელთა კავშირი არის უპარტიო ორგანიზაცია, რომელიც მიზნად ისახავს პროლეტარულ თავდაცვითი ბრძოლის წარმოებას ყველა კონტრევოლუციონური ძალების წინააღმდეგ. ამ ორგანიზაციაში კომპარტიის წევრების გარდა შედის დიდი უმრავლესობა უპარტიო მუ-


შებისა. წითელ-ფრონტელთა ორგანიზაცია კომპარტიის მიერ ცნობილია, როგორც ერთ-ერთი საუკეთესო მეომარი ძალა, რომელსაც შეუძლია სრული გამარჯვება მიაწიოს პროლეტარიატს.

წითელფრონტელთა კავშირი არა სწევს პროფკავშირების მაგიერობას, პირიქით ის ცდილობს გააძლიეროს პროფკავშირები. ორგანიზაციები მასში ახალ რევოლუციონ-



ახლო წარსულში ინგლისის მხედრობამ ლიგერპულის მახლობლად ზღვაში ჩაუშვა უდიდესი წყალქვეშა ნავი.

ნურ ძალების ჩაბმით, რათა პროფკავშირის ყველა ორგანიზაციები გადაეცემა ნამდვილ რევოლუციონერ ორგანიზაციებად წარმოება-დაწესებულებებში ფაშისტების წინააღმდეგ გადამჭრელი ბრძოლების ჩასატარებლად. ამ მიზნით წითელფრონტელთა კავშირის წევრს ევალება აუცილებლად ამავე დროს აქტიური წევრი იყოს რომელიმე პროფკავშირისა და აქტიური მონაწილეობა მიიღოს პროფმოძრაობაში.



ახლო წარსულში ქ. ლვოვში დაარბიეს ებრაულ გაზეთ „ხვილია“-ს სტამბა.

წითელფრონტელთა კავშირის წევრთა ძირითადი ამოცანებია: ყველა რევოლუციონერ მუშების, განსაკუთრებით კი ყოფილ ჯარისკაცებს ერთიან, მტკიცე ფრონტში ჩაბმა, როგორც ქალაქად, ისე სოფლად, მათი აღზრდა კლასობრივი თვალსაზრისით, მათი პოლიტიკური ცოდნის დონის აწევა; ამავე დროს კავშირი ბრძოლას აწარმოებს ახალი იმპერიალისტურ ომის სამზადისისა და კოლონიური ერების ექსპლოატაციის წინააღმდეგ.

სოციალ-დემოკრატიული პარტიის ბელადები არწმუნებენ მუშებს იმაში, თითქოს გერმანიას არ მოელოდეს ფაშისტურ საფრთხე, ამ ვაჟბატონებს მხედველობაში აქვთ კაპიტალისტური რესპუბლიკა. მაგრამ სიცოცხლისა და საარსებო ინტერესების წინააღმდეგ დღითი-დღე იზრდება ფაშისტური საშიშროება. უწინარეს ყოვლისა ეს ეხება ე. წ. „ფოლადის მუზარადს“ (ფრონტელ ჯარისკაცთა კავშირს). ეს მონარქიზმის და მსხვილ მწარმოებელთა რეაქციონერ ორგანიზაცია „ლვთისა და ქრისტიანობის გულისათვის“ დაუნდობლად ებრძვის „ბოლშე-

ვიზმს“ და თავის სამოქმედოთ გამომუშავებული აქვს მეტად მკაცრი ანტიმუშური პროგრამა.

ფაშისტმა ღრმად გაიღვა ფესვები მსხვილ წარმოებებში, ეს იმიტომ, რომ აქ მუშების მიღება ხდება ნაციონალისტებისა და შოვინისტების ნება-სურვილების თანახმად. წარმომებებთან არსებული სასპორტო ორგანიზაციები, საფაბრიკო-საქარხნო პოლიცია, ჯაშუშები და სხვა — აივინ ჰქმნის კაპიტალსა და მუშებს შორის ბრძოლის მწვავე პირობებს. დანარჩენ ფაშისტურ ორგანიზაციებიდან შეიძლება დავასახელოთ „ახალგაზრდა გერმანელთა ორდენი“, რომელიც აშკარად, მოურიდებლად და უტიფრად მხარს უჭერს ს. ს. რ. კ. წინააღმდეგ ომს.

გარდა ამ ფაშისტური ორგანიზაციებისა, არსებობს კიდევ ანტიპროლეტარულ-დემოკრატიული ორგანიზაცია — ე. წ. „იმპერიის დროშა“, რომლის წევრთა დიდი უმრავლესობა შესდგება მოტყუებული და თვალახვეულ მუშებისაგან. ეს ორგანიზაცია ჩამოყალიბებულია თითქოს იმ მიზნით, რათა მონარქისტებისაგან დაიცვან დემოკრატიული რესპუბლიკა, ფაქტიურად კი ის მოქმედობს „ფოლადის მუზარადთან“ შეთანხმებით და მისი დამრტყმელ რაზმებთან შეთანხმებით, რომლებიც თავგანწირვით იბრძვიან რევოლუციონერ მუშათა კლასის წინააღმდეგ. „იმპერიის დროშის“ ბელადები ლამობენ „იმპერიის დროშა“ გადაეცემა ს. ს. რ. კ. წინააღმდეგ ბრძოლის დროს გამოსაყენებელ არმიას. გერმანიის ბურჟუაზიულ კავშირებში ყველაზე უძლიერესია „იმპერიის დროშა“. მას ორმილიონზე მეტი წევრი ჰყავს თავის რიგებში.

ამათ ებრძვის წითელ ფრონტელთა კავშირი, რომელიც ყველა მემარცხენე ორგანიზაციებთან ერთსულოვან მეგობრულ კავშირში არის და რომლის თავგანწირული ბრძოლა მუშათა კლასის განსათავისუფლებლად ცნობილია მთელი ქვეყნიერებისათვის.

ეს ორგანიზაცია მჭიდროდ დაკავშირებულია რემედასთანაც. წითელფრონტელთა კავშირის ბევრი წევრი რემედასმა გადაარჩინა სიკვდელსა და განადგურებას.

სრული ხუთი წელი გავიდა გერმანიის წითელფრონტელთა კავშირის დაარსებიდან. ამ ხნის განმავლობაში ის დაუნდობლად და თავგანწირვით ებრძვის მტერს. ხშირად მისი წევრები საშინელ დევნას და რეპრესიებს განიცდიდნენ. წ. ფრონტელთა ჟურნალ-გაზეთებს სდევნიდა პოლიცია; მაგრამ ორი გმირი ამხანაგის — ერნესტ ტელმანისა და ვილი ლეოვის ხელმძღვანელობით ორგანიზაცია ებრძოდა ყველას მუშათა კლასის კლასობრივი ბრძოლების გამოცდილებათა მიხედვით. ამრიგად ის იზრდება და მტკიცდება დღითი-დღე. წ.-ფრონტელთა კავშირი მოსვენებას არ აძლევს მისდამი მტრულად განწყობილ ორგანიზაციებს. მიუხედავად ამისა 1928 წ. მისი დაშლის ცდა სრულიად უნაყოფო აღმოჩნდა. დღეს სოციალ-ფაშისტ. ცერგებელმა და მისმა დამქაშებმა განიზრახეს მისი საბოლოო ლიკვიდაცია, მაგრამ წ.-ფრონტელთა იდეა ღრმად შეიჭრა გერმანიის პროლეტარულ მასებში. მისი დაშლა და დათხოვნა შეუძლებელია ერთი კალმის მოსმით, ან სასამართლოს პროცესების საშუალებით.

ვილლი მილენც.

ა რ ჩ ე გ ა ნ ი

(გაგრძელება *)

აღმოსავლეთის რკინის გზების, ბუდაპეშტის სადგურში ხალხი ბუზივით ირევოდა. ბაქანზე გრიალებდა სამხედრო მუსიკა. ირგვლივ იდგა ომის მძიმე ატმოსფერა.

ჩემი თოფის ლულაში ჩარჭობილი თაიგული სავსებით შეეფერებოდა შექმნილ მდგომარეობას. მიუხედავად იმისა, რომ მე ძალიან ვუფრთხილდებოდი და მეშინოდა საკუთარი ტყავის. ვფრთხილობდი რაც შემეძლო.

მე დავესწარი პროფკავშირების კრებას. სადაც ამხანაგ მიაკიჩმა საფუძვლიანი განმარტება მისცა კრებას, შესახებ იმისა, რომ ომი სავსებით მისაღებია; ის ამბობდა კლასობრივი თვალსაზრისით აუცილებლად საჭიროა რუსეთის მეფის წინააღმდეგ გალაშქრება, რათა განთავისუფლებული იქნეს დაბეჩავებული და დამონავებული პროლეტარიატი, რომ ამ გზით მიუახლოვდეთ სოციალიზმს. ორი წლის შემდეგ მე ფრონტზე შევხვდი რუს-სოციალისტ ჯარისკაცს, მისი გადმოცემით ისიც თავისი ამხანაგებით გადმოაგზავნეს „კლასობრივ ბრძოლის ფრონტზე“ — ავსტრიის მილიტარიზმის წინააღმდეგ.

პროფკავშირში ჩვენ გვეუბნებოდნენ, რომ აუცილებლად საჭიროა ფრონტზედაც გამოიჩინოთ თქვენი შეერთებული ძალა. ერთი სიტყვით შესაძლო იყო შემენარჩუნებია ჩემი სულიერი წინასწარობა, რომ ეს ზღვა ხალხი „გაშას“ ძახილით არ შეგებებოდა ომს.

მე სადგურამდე არავინ არ გამომყოლია. მიუხედავად ამისა ყველაფერი საკმაოდ მქონდა. სიგარები, პაპიროსები, შოკოლადი, „პეჩენიები“ და ასე გაშინჯეთ ჩემს პურის ტომარაში ერთი ბოთლი კონიაკიც კი იდო.

როგორც ვსთქვით მე ყვავილები ჩარჭობილი მქონდა შაშხანის ლულასა და ქუდში — ერთი სიტყვით სხვა არაფერი უნდოდა სხეულს, რომ სული არ ამხედრებულიყო ამ უაზრო ორომტრიალის წინააღმდეგ.

იშტვან ტარიან ამ დროს ზემდეგი იყო, მას უღვაშები შეელამაზებია, მალლა აეწკვერტა, თავის რონოდის მახლობლად ვიღაც უცნობ ქალისათვის მკლავი ჩაევლო და ნელა დასეირნობდა ბაქანზე. მას ისეთი გამომეტყველობა მიეღო, იფიქრებდით, ეს-ეს არის სადღაც ქორწილში მიდისო. უეცრად, როცა გამგზავრების სანიშნო ზარი შემოკრეს, ფიშტომ ანაზდად, მაგრად ჩაპროშტა უცნობი ქალი. მატარებელი დაიძრა, მგზავრები ფანჯრებიდან გადმომდგარიყვენ, ბაქანზე მდგომი ხალხი კი ცხვირსახოცს უქნევდა მიმავალთ.

მატარებელი გაეშურა ბრძოლის ველისკენ.

კარპატის მთების გადაღმა ჩვენ ჩამოგვსხეს რონოდებიდან. გავეშურენით ფეხით და ორი კვირის შემდეგ მიუახლოვდით მტერს. განთიადისას, საათის ოთხზე, მე უეცრად დაბლობში გავჩნდი. სადაც რუსები და მაღიარები ესროდნენ და ჟლეტდნენ ერთმანეთს.


მდგომარეობა უეცრად შეიცვალა, ყველაფერი აირია და ანაზდად მე მოვხვდი ფიშტო ტარიანის გვერდით, ჩვენს შორის, საფარის გარეშე მიწაზე კიდევ ერთი კაცი იწვა. ჩვენ ყველანი ვეყარეთ „ველური აფთხარები“ — ყაზახების პირდაპირ, რომლებიც სეტყვასავით გვაყრიდნენ ტყვას. ფიშტო დამშვიდებით იწვა მიწაზე და არავისთვის თოფი არ უსვრია. ის შიშისაგან მიწაში ჩაძვრებოდა, რომ ეს მოსახერხებელი ყოფილყო. ასე გავიდა რამდენიმე წუთი. უეცრად ფიშტომ ასტეხა საშინელი ღრიალი.

— შეხედეთ ძმებო, ეს პირუტყვები, როგორ დაუზოგავად გვესვრიან, შეხედეთ რუსები პირდაპირ გვესვრიან ტყვას.

მართლაც უცნობი მეომარი, დაახლოვებით ოცდაათი წლის კაცი თავქვე დაემხო მომალლო მიწაზე, მან ისე მძლავრად დაჰკრა ცხვირი, რომ სისხლი ღვარად გადმოედინა. ის მომაკვდავივით ხროტინებდა და რამდენიმე წუთის შემდეგ პირიდანაც წასქდა დაკვეთილი სისხლი. როცა ის ავიყვანეთ მე და ფიშტომ, ხროტინი შესწყვიტა... ის უკვე მკვდარი იყო.

საღამოთი როცა ჩვენ მწკრივზე ვიდექით, ბრძანების წაკითხვის დროს მე ისევ შევხვდი ფიშტოს. პოლკის მორიგე ოფიცერი, მწყობრის მეთაურმა შახტამ წაკითხა ცნობა იმის შესახებ, თუ რამდენი იყო დაჭრილ-დასახიჩრებული უნტერ-ოფიცრებისა და მეომართაგან... თუ რამდენი დაიღუპა გმირულ ბრძოლაში... მან სთქვა აგრეთვე იმის შესახებაც, რომ ჩვენი ნაწილი წინ მიიწევდა და აღწევდა ახალ-ახალ გამარჯვებას...

ბრძანების მოსმენის შემდეგ ფიშტომ გამიხმო მე განზე და გაიძვრულად წამჩურჩულა:



ამას წინად რემედასის საქ. ცეკას ეწვია კომინტერნისა და რემედასის აღმასკომის წევრი ზანგი (ჩრდილოეთ ამერ. შეერთ. შტატ.) ამხ. ლუის კარკლტონი.

სურათზე — 1. ამხ. კარკლტონი. საზეიმო შეხვედრა, მოწყობილი სახმელდაჭრობის მუშა-მოსამსახურე რემედასელების მიერ.

*) იხ. ჟურნალ რემედასის № 7.

— ძმობილო, ეს ჩვენი პოლკი არ არის. მოდი, წავიდეო აქედან და გავყვეთ შორეულ გზას. ჩვენ აქ რაღაც კარგი არ მოგველის. თუ ეს ასე არ იქნება თვალში ჩამაფურთხე.

ფიშტო მართლაც წავიდა. დიდი ხნის განსვენებისა, არავინ იცოდა თუ საით გადაიკარგა ის.



საფრანგეთის ჯარების ოკუპაციის დღეები ქ. ოდესაში.
ჯარისკაცები ქუჩებში.

მე დამჭრეს სექტემბრის ცხრას და მხოლოდ ნოემბრის დამლევს ისევ კარპატებში მოვხვდი; სადღაც, გომონის მახლობლად სწარმოებდა საშინელი ომი. პოლკის შტაბის შეჩაღვსობა იგივე იყო, რაც წინად დავტოვე, სამაგიეროდ დახრცილ და უგზო-უკვლოდ გადაკარგულ ჯარისკაცების ნაცვლად იმდენი ჯარისკაცი მოეყვანათ, რომ პოლკი სრულიად გადაეხალისებინათ. მთელს როტაში არ აღმოჩნდა არც ერთი ჩემი ნაცნობი, ყველანი ახლად მოსულები იყვნენ. როტას მეთაურობდა ჯერ კიდევ სრულიად ახალგაზრდა ყმაწვილი კაცი, ლეიტენანტი ჩ ე ნ ი. ლაპარაკის დროს ის განუწყვეტლივ დორბლებს ყრიდა და როცა ჯარისკაცისაგან ლეულობდა პატაკს მთელ სახეს ფურთხით უვსებდა. მაშინდელ დროში ასეთი როტის უფროსი განუსაზღვრელი უფლებით სარგებლობდა. ლეიტენანტი ჩ ე ნ ი ს განკარგულებაში იყო ვიღაც ერთი საშინელი კაცი, გვარად ბ ო დ ი, რომელიც ჯალათის როლს ასრულებდა.

დაბრუნების მესამე დღეს მე ვიყავი მორიგე უნტერი, ბათალიონის მასშტაბით. ჩემდა საუბედუროთ ამ დროს ბათალიონის მორიგეობა შეხვდა ლეიტენანტი ჩენს. ლამემ მშვიდად გაიარა. არაფერი საიმისო არ მომხდარა, მაგრამ განთიადისას ლეიტენანტი მოვიდა პოზიციაზე და მძინარეს მოუსწრო ფეხოსან ჯარისკაცს, ქარხნის ყოფილ მჭედელს — განცს.

— ბათალიონის მორიგე, აქეთ! — დაიღრიალა ოფიცერმა რაც ძალი და ღონე ჰქონდა. — ამ ეშმაკის კერძს ეხლავე დარტყით 25 როზგი.

ვერ მოვასწარი სიტყვის შებრუნება ისე სწრაფად ხელში მომცა ერთი მოზრდილი ჯოხი.

მრავალი წლის წინათ, როცა მე ვამთავრებდი სასწავლებელს ჩემმა მოხელემ დამავალა აძესრულებია შტრეიკბეპერის მოვალეობა. ასე მახსოვს მეც სწორეთ იმ დროს ასეთივე განცდებმა შემიპყრეს, ეტყობოდა ლეიტენანტმა ადვილად გაიგო ჩემი გულის ნადები ვინაიდან ის პირისპირ შემომცქეროდა მე და მჭირდავი თვალებით თითქოს სუყველაფერი ადვილად დაინახა.

— გუნდის უფროსო, დააყარე თოცხდა ხუთი როზგი ამ ეშმაკის კერძს....

ეხლავე.... მე გიბრძანებთ.... ამ წუთშივე...

რა უნდა მექნა, ავიღე ოფიცრის მიერ გადმოცემული უზარმაზარი კომბალი და თვალცრემლიანმა მიუახლოვდი მოხუც მეომარს...

— დაწექით ძია, — ვეუბნები მე.... გაწექით მიწაზე საყვარელო ძია.

ანაზღად მაღლა ავმართე კომბალი. მაგრამ ისე მძიმეთ მომეჩვენა ის თითქოს ასი ფუთიანი სიმძიმე ჰქონოდა წვერზე დაკიდებული, თან ცრემლი მომადგა თვალზე და ბოლმისაგან გული ყელზე მომეხვინა.

შეშინებული ლეკვივით ვძიგძიგებდი ამხედრებული ლეიტენანტის წინაშე. ლეიტენანტი ამართული ჰქონდა ჯოხი და დამარტყამდა კიდევ, რომ უეცრად მას არ წამოწეოდა ერთ-ერთი მისი თანამოსამსახურე, რომელთანაც ჩვენ კარგ განწყობილებაში ვიყავით. ამ უკანასკნელმა ლეიტენანტი წაავლო ხელი და ამართული ჯოხი პაერზე შერჩა.

ამ დღის შემდეგ როტაში ჩემი ცხოვრება ნამდვილ ჯოჯოხეთად გადაიქცა. ბავშური ჭირვეულობით, ფეხის ყოველ გადადგმაზე შარს მსდებდა ლეიტენანტი ვიდრე აწერილი ამბავის ორი კვირის შემდეგ მეც არ გადამიწყვიტეს ოცდახუთი როზგი, რომელიც თანახმად ლეიტენანტის ბრძანებისა არ დამარტყა მე ჯალათ ბ ო დ ი მ. მე ეხლა არ შემიძლია გადმოვცე, თუ რომელმა უფრო მეტი ტკივილი გამოიწვია ჩემში — ოცდახუთი როზგის დარტყმამ, თუ ლეიტენანტისა და ჯალათის სახის გამომეტყველებამ, რომლებიც მომჩერებოდნენ მე. ეს იყო ამხედრებული ზიზღის, მძულვარების, სირცხვილის და საშინელი ტკივილის შეგრძნობა. ის ვისაც არ განუცდია ოცდახუთი როზგისაგან მიყენებული ტკივილების გადატანა, ვერ გამიგებს მე. ყოველ დარტყმის დროს ჩემი სხეული საცოდავად ძიგძიგებდა, იკრუნჩხებოდა და ცრემლი ღვარად ჩამომდიოდა თვალებიდან. მიუხედავად გამთოშავი ყინვისა, ოფლი წურ-წურით ჩამომდიოდა მთელი სხეულიდან.

— კმარა ომი, — გავიფიქრე მე და იმ საღამოსვე გავიქეცი როტიდან.

ფ. კარიკაში.

(გაგრძელება იქნება)

პიონერო, ჰკითხე შენს მშობლებს, რას აკეთებენ ისინი რევოლუციისათვის მეზრძოლთა დასახმარებლად.

ჰანრი დიუმულენი განთავისუფლებულია

განთავისუფლებულია, როცა მზის მცხოველმყოფელმა შუქმა ოდნავ გაანათა ბინდით დაბურული ველები და მდინარის ხეობები, ჩვენ ავტოთი მივქროდით დიდ შარა-გზაზე ფონტევროლისაკენ.

დღეს ანთავისუფლებენ მას.

წინა-დღით, საღამო ჟამს, ვიდრე არ დავრწმუნდით იმაში, რომ მას მართლა ანთავისუფლებენ დღეს 16 ივნისს — ჩვენ მოუსვენრად ვიყავით. ჩვენ არც ეხლა ვართ მაინც-მაინც დამშვიდებულნი. ავტომობილი მიჭქრის თხელი ნისლით გადაფენილ ველზე, რომელიც გარინდებულია განთავისუფლების წილში... ანაზღად დაბლობში, ჩვენს წინ აემართა ცენტრალური საკატორლო საპყრობილე — ფონტევროლი.

ჩვენ ვჩერდებით უზარმაზარ, ალაყაფის კარებთან და ვიცდით. დილის ხუთი საათია. ალბათ დიდხანს არ მოგვიწევს ლოდინი. ახლოვდება ვილაციის ფეხის ხმა, ვილაც მოეშურება კარებისაკენ, ის თითქოს მორბის, მას თან მოსდევს რამდენიმე კაცის ფეხის ხმა და ნელი ხმით საუბრობენ კარებისაკენ მომავალნი. ანაზღათ კარები გაიღო და სიღრმეში გამოჩნდნენ ლურჯ ხალათებიანი მცველები.

— დიუმულენ!!! — შევსძახეთ ჩვენ ერთხმად.

— მე ვარ... აქა ვარ მეგობრებო!

მან წინასწარ, არ იცოდა, თუ ვინ უცდიდა კარებთან მის გამოსვლას, მაგრამ, როცა ფეხი გადმოდგა საპყრობილის კარი-ბჭეების ზღურბლიდან, სათითაოთ ხელი ჩამოგვართვა ყველას, ირგვლივ სუყველაფერი მიათვალა იერა და აღტაცებით შესძახა:

— ძლივს!..

ჩვენ არ გვინდოდა იქვე გამოგვეკითხა მისთვის საპყრობილეში ყოფნის დროს მიღებული შთაბეჭდილებები, მაგრამ მან არ დააყოვნა და იმავე წუთს წამოიწყო:

— იცით მეგობრებო, მიუხედავად იმისა, რომ მე ოთხ-კედელთა შორის ვიყავი გამოკეტილი მაინც ვიცი: თუ რა ხდება გარეთ... ვიცი ბევრი ამბები მარტის, პირველი მაისისა და ს. ს. რ. კავშირის შესახებ... მარანი იყო საპყრობილეში ჩემს სანახავად.

მან თავის ძველ ფარაჯის ჯიბიდან ამოიღო კარგად შეხვეული ქ. ივრის მუნიციპალიტეტის მრჩეველს ნიშანი.

— მადლობა ივრელ მუშებს.*) იმათ ბევრი რამ გააკეთეს, რათა გავენთავისუფლებინეთ მე საპყრობილის საშინელ პირობებისაგან.

როცა ჩვენ მოუსხედით მაგიდას, სასადილოში, მან მთელი გროვა ოფიციალური ქაღალდებისა დაყარა ზედ, რომელიც მისთვის გადმოეგზავნა სხვადასხვა დაწესებულებებს შემდეგი მისამართით: „მუსიო დიუმულენს, საცხოვრებელი ადგილი საკატორლო საპყრობილე — ფონტევროლი“.

ჩვენ თვალებში შევსცქეროდით ამ 26 წ. ახალგაზრდა კაცს, რომელიც მეტად გამხდარა და რომლისთვის თავისი მძიმე დაღი დაესვა საპყრობილეში ყოფნას.

— როგორც ხედავთ, — განაგრძობს ის, — იმათ ვეღარ შესძლეს ჩემი წელში გაწყვეტა. ვეღარ მოუხერხდათ.

ის ხშირად იმეორებს სიტყვას „იმათ“. მის საუბარში რეკავს აგრეთვე სიტყვა „მტრები“. ისენი არიან ოფიცრები, სასამართლოს მოხელეები და ყველა ჯურის შავ-რაზმელი ვიგინდარები, რომლებმაც ის 4 წლის ვადით გაისტუმრეს საკატორლო საპყრობილის ბნელ კედლები-საკენ.

გამოვდივართ სასადილოდან. მივეშურებით, ავდივართ მაღალ ადგილებისაკენ... ჩვენს წინ მთელი თავისი სიდიდით და, მრისხანებით აიმართა საპყრობილის რუხი კედლები.

— ხომ ხედავთ... აი, იქ ვმუშაობდით ჩვენ... აი, შეხედეთ ეზო, ცოტა იქით სახელოსნოებია და დისციპლინარული სასჯელის მოსახდელი განყოფილება.

უეცრად მოისმა მონასტრის ზარების გულისდამოღონებელი რეკვა. მოსჩანს მთელი რიგი პატიმრებისა, რომლებიც ისევ შედიან რომელიღაც კარებში და იმალებიან. უკანასკნელმა, ყველაზე უკან მიმავალმა პატიმარმა იცნო ამხ. დიუმულენი... უქნევს მას ხელს... დიუმულენი აღტაცებულია, სიხარულისაგან არ იცის რა ჰქნას, ესეც უქნევს ცხვირსახოცს და ცოტა ხნის შემდეგ ვშორდებით იმ ადგილს.

პირველ ჯგუფში, რომელიც შეეგება დიუმულენს იყო საფრანგეთის რემედისის ცეკას მდივანი ამხ. კორდიე, მისი სომიურელი, პირადი ამხანაგები — ქალაქ ივრის მუ-



ამხ. კეზებს.

*) ქ. ივრში, ხმოსნების არჩევის დროს გავიდნენ კომუნისტები, მათ შორის ამხ. დიუმულენიც.

ნიციპალიტეტის მრჩეველები, ადგლობრივი რემედასის კომიტეტის შემადგენლობა და მუშები თავიანთი ცოლ-შვილით, რომლებიც დილით ადრე ამდგარიყვენ განთავისუფლებული რევოლიუციურის შესახვედრათ.

— პატარა მანიფესტაციაა, არა? — ღიმილით ამბობს ამხ. დიუმულენი.

ჩვენ ვსთხოვთ მას გადმოგვცეს მისი დაპატიმრებისა და გასამართლების ამბები.

— თქვენ არ იცით ეს ისტორია? — იმათ შორი იძიეს ჩვენზე იმისათვის, რომ ჩვენ მოვითხოვოთ არსებული ცხოვრების პირობების გაუმჯობესება.

1925 მაისს, მემარცხენე ბლოკის მთავრობამ ბირჟის ინტერესების დასაცავად გაგზავნა ფრანგი ჯარისკაცები რიფების წინააღმდეგ. მაროკოსაქენ გასამგზავრებელ სამხედრო გემებზე თავი იჩინა მღელვარებამ. მე იმ დროს მექანიკოსად ვიყავი გემ „კურბე“-ზე.

ჩვენ მოქანცულნი ვიყავით, არ გვქონდა სათანადო სურსათ-სანოვადე. ცუდათ ვიკვებებოდით. მეზღვაურებს, მემანქანეებს და საერთოდ ყველა თანამშრომლებს შეუსვენებელივ და დაუზოგველად გვამუშავებდნენ. ჩვენ პროტესტი განვაცხადეთ ტულონიდან გამგზავრებისას, მაგრამ სანამ ნეაპოლამდე მივიდოდით ისევ მოუთმენელი გახდა გემზე ყოფნა და მოვალეობის ასრულება. ჩვენ ამის შესახებ ხელმეორედ განვაცხადეთ სასტიკი პროტესტი.

რამდენიმე დღის შემდეგ, როცა ჩვენ უკვე გაშლილ ზღვაზე მივსცურავდით, მთელ რიგ მეზღვაურებს, სათითაოდ გვამუშავებდნენ ოფიცრების „კაიუტ-კამპანიაში“, აქედან ჩვენ გვაგზავნიდნენ „ტრიუმში“. მეორე დღეს ჩვენ გამოვდიოდით იქიდან საშინლად მოღლილი-მოქანცულნი, თვალებ-ჩაშვებულნი და გალურჯებულნი. სულ დაპატიმრებული იყო 14 მეზღვაური, მათგან 10 გაანთავისუფლეს, დავრჩი — მე, კილერი, შავო და ბიგორნი.

აგვისტოს 24 ჩვენ დავრჩით საზღვაო საპყრობილეში ქ. ტულონში, ამის შემდეგ სამხედრო სასამართლომ მე მომისაჯა ოთხი, ხოლო დანარჩენებს კი 3-3 წელი კატორღა.

ფეხებზე ბორკილებით მე გადამაგზავნეს მათთან. როცა მე იქ მიმიყვანეს საპყრობილის ალაყაფის კარებთან მღეროდნენ „ინტერნაციონალს“, ირგვლივ თავს იყრიდნენ მუშები, რომლებიც სასტიკ პროტესტს აცხადებდნენ გამოტანილი განაჩენის წინააღმდეგ. ამის შემდეგ მე გადამიყვანეს ფონტერვოლში.

— ყველაფერი ეს კეთდებოდა საფრანგეთის ხალხის სახელით — ასე ამბობდნენ ჩემი გასამართლების დროს.

ის იგონებს იმ სურათს, როცა მას თავზე ედგა ხმალ-ამოწვდილი ოფიცერი. „კურბე“-სა და სხვ. გემებზე ათასზე მეტი მეზღვაური უსიტყვოდ იდგნენ და ზიზლით ავსილნი შესცქეროდნენ უფროსებს. უეცრად მოისმა შემადრუწუნებელი სიგნალი. იქვე, მახლობლად იდგა მეზღვა-

ური მექანიკოსი, დიუმულენი, მას თავი მაღლა ეჭირა, ტუჩებს იკვნეტდა სიბრაზისაგან, ველარ მოითმინა და პირდაპირ მიახალა ოფიცერს: — თქვენ მე კი არა თქვენს თავს შეურაცყოფთ!...

„ამის შემდეგ 47 თვე კატორღა. 47 და არა 48, ეს იმიტომ, რომ იმათმა მე მაპატიეს ერთი თვე. ამით თითქმის გამაბედნიერეს. რა გულკეთილობაა! არსებული ხელისუფლების მთელი პირფერული უბადრუკობა გამომჟღავნდა ამ „წყალობაში“.

რა დააშავა ამ მუშამ, პატიოსანი მუშის შვილმა, კეთილმა და ყველა ამხანაგებისათვის საყვარელმა აღმზანმა?

— „მე ვიბრძოდი ჩემი თანამოსამსახურეთა ცხოვრების პირობების გასაუმჯობესებლად. მათთან ერთად აქტიურად ვიბრძოდი უკეთესი მერმისისათვის. მე არ მიწოდდა ომი. მესმოდა ექიმის სიტყვები, რომელსაც ის ამბობდა ჯარისკაცების გასინჯვის დროს! — დასუსტებულია... დაავადებულია... მართლაც და ჩვენ ვიხოცებოდით სიმშლით, წყურვილით“.

მას შემდეგ, რაც უკმაყოფილებათა წამომწყები ოთხი მეზღვაური გადაგზავნეს კატორღაში დანარჩენებს გაუუმჯობესეს საჭმელ-სასმელი და საერთოდ ცხოვრების პირობები. დიუმულენისა და მისი ამხანაგების შეუპოვარმა ბრძოლამ ერთგვარი ნაყოფი გამოიღო.

კატორღაში ცხოვრების პირობების შესახებ ამხ. დიუმულენი ძალიან ცოტას ამბობს; ის გამუდმებით მუშაობდა, მას სასტიკ ექსპლოატაციას უწევდნენ, ასეთივე მდგომარეობაში იყვენ სხვა დანარჩენი ამხანაგებიც, ხელუფას კი ლებულობდნენ ძლიერ უმნიშვნელოს.

— ეხლა კი საჭიროა გავემართოთ ივრისაქენ და მაღლობა ვუთხრათ მუშებს. არა? — იკითხა მან.

იქიდან ჩამოსული ამხანაგი ამბობს, რომ შეკრებილი მუშები მოუთმენლად მოელიან მას. ვიდრე იქ ჩავიდოდა ის რამდენიმე ხნით ჩერდება სომიურეში.

მზე მაღლა აიშართა. აი, ჩვენ უკვე სომიურში ვართ ერთ-ერთი ამხანაგის სახლში.

მისასლმებელი სიტყვით გამოდიან სხვადასხვა პარტიების, გაზეთ „ჰიუმანიტე“-ს და რემედასის წარმომადგენლები. უკანასკნელი ამხანაგის სიტყვის შემდეგ, რომელმაც წარმოსთქვა უჩვეულო, კარგი სიტყვა ჩვენ ყველანი ფეხზე ავდექით. ღია ფანჯრებიდან და კარებიდან გრიალით შემოდოდა „ინტერნაციონალის“ მძლავრი გუგუნი.

დიუმულენს აღელვება დაეტყო.

ამრიგად ყველანი აღტაცებით მიეგებენ ამხ. დიუმულენს ენერგიით და ჯანლონით სავსე ახალგაზრდა რევოლიუციონერს, რომელმაც ოთხი წლის განმავლობაში მტკიცედ შეინარჩუნა თავისი ჯანმრთელობა კატორღის მძიმე და აუტანელ პირობებში.

უ. ალტმან.

რემედასის საშუალებით განვამტკიცეთ საერთაშორისო პროლეტარული რევოლიუციის წითელი ზურგი.

რევილი უცია მგაანთავის უფლა

თხუთმეტი წელი! თხუთმეტი წელი საპატიმრო! საოცარი და განსაცვიფრებელია! საქირა უდიდესი ენერგიის გამოჩენა, რომ 22 წლის განმავლობაში შეიგრძნოთ ამ სიტყვის მნიშვნელობა. იცხოვრო მარტო ბნელ საკანში, რომელიც სივრცით არ აღემატება ექვსი და ოთხ ადლს. ასეთ პატარა მოცულობაში იარო შეუსვენებელი წინ და უკან და მთელი თხუთმეტი წელი გაატარო ამ უსინათლო ბნელ სენაკში, სადაც წლიდან წლობამდე ვეღარა სწოდება მზის ცხოველი შუქი.

საპატიმროს ცხოვრება დღითი დღე აუტანელი ხდება. ის მცირეოდენი სანოვაგე, რომელსაც ჩვენ გემზე ყოფნის დროს ვღებულობდით, გვენატრებოდა აქ, ვინაიდან ისიც ვერ აღწევდა ჩვენამდე. ნახევარჯერ მშიერი ზედამხედველები (იმ ხანებში გერმანიაში სიმშვილე იყო) ძლებოდნენ ჩვენი ულუფით. ექვსი თვის განმავლობაში მე დამაკლდა ექვსი კილოგრამი. დაპატიმრებიდან მეშვიდე თვეზე გარდაიცვალა ჩვენი ამხანაგი ფიშერი.

მისი ცხედარი საპატიმროს ეკლესიაში გადაასვენეს, მიუხედავად იმისა, რომ ის არასოდეს მორწმუნე არ ყოფილა. ეს მოხდა ზამთრის ერთ-ერთ სუსხიან და ყინვით გათოშილ დღით. ჩვენც წაგვიყვანეს იქ ზედამხედველობის ხელმძღვანელობით. მოვიდა პასტორი, რომელმაც წირვა-ლოცვის ნაცვლად წარმოსთქვა უდიდესი პატრიოტული სიტყვა. ის ლაპარაკობდა ორი საათის განმავლობაში.

ჩვენ ვუსმენდით მას უსიტყვოდ, სანამ ღვთისა და მონარქიის მსახური არ გადავიდა კაიზერზე, სამშობლოს წინაშე მამულიშვილის მოვალეობაზე, უდიდეს მიზნებზე, რომლის განსახორციელებლადაც სწარმოებს ომი... ის შეჩერდა აგრეთვე დიდხან გერმანელთა ბრწყინვალე მომავლის დახასიათებაზე — რომელსაც გამარჯვება მოაქვს გერმანიისათვის. ამის შემდეგ პასტორმა იერიშები მოიტანა ჩვენზე, აღნიშნა ჩვენი „დანაშაული“ სახელმწიფოს წინააღმდეგ, ამავე დროს მან ილაპარაკა გარდაცვლილი ფიშერის შესახებ. მე შევყურებდი ხან ორატორის დაქიმულ სახეს, ხან კიდევ გარდაცვლილ ამხანაგის საშინელად გამხდარ ცხედარს და მოთმინება დამეკარგა. უეცრად წამოვხტი ადგილიდან და ზედ მივვარდი პასტორს, რომელიც განაგრძობდა თავის სიტყვას.

მე ხელები წამავლეს ზედამხედველებმა და მომაშორეს მას. საყდრიდან დაბრუნებისას 18 დღე და ღამე საკანში მარტოდ ყოფნა მომისაჯეს. 18 დღე და ღამე ცივსა და ბნელ საკანში, ულუკმაპუროდ, უსინათლოდ ვიჯექი, მაძლევდნენ ერთ ლიტრა წყალსა და ცოტაოდენ პურს.

ამის შემდეგ ყველა პატიმრები გადაგვიყვანეს რენდსბურგში და სათითაოდ მოგვათავსეს კარცერებში.

გავიდა ნახევარი წელი...

ჩემი საკნის ვიწრო სარკმლიდან შეიძლება არხის და ხიდის თაღის დანახვა.

ერთხელ ავდრიან, ნოემბრის ცივი დღით მე ვიდექი სარკმელთან. კედლის მეორე მხარეზე დადიოდა ჩემი მე-

ზობელი პატიმარი. ანაზღად მე შემომესმა საყვირის ხმა, რომელიც ზედიზედ განმეორდა რამდენიმეჯერ. მე ვიცნობდი ამ ხმას; მეგონა ის იყო გამაფრთხილებელი რამ ხმა.

— ხანძარია, თუ დაეცენ ვისმე? — გავიფიქრე მე.

უეცრად სიცივის ქრუანტელმა დამირბინა ტანში, თავზე თმა ყალყზე დამიდგა... დავინახე — თაღს უახლოვდებოდა იალქანი, რომელზედაც ფრიალებდა წითელი დროშა.

მთელი დღის განმავლობაში მოუსვენრად ვიყავი. ყოველ წუთს მივდიოდი სარკმელთან, მაგრამ ვერა გავიგე რა. მე მინდოდა დავრწმუნებულიყავი. მაგრამ ამაოთ. ასე გაგრძელდა მთელი დღე და ღამის განმავლობაში.

თორმეტის ნახევარზე ისევ მოისმა საყვირის ძლიერი ხმა. მთელი უკანასკნელი დღეების განმავლობაში განცდილით მოღლილ-მოქანცული უძრავად ვეგდე ნარზე და არც კი გავტოკებულვარ. ანაზღად კარებისაკენ მიპყრობილ თვალებს შეეფეთა ორი, საკნისკენ მომავალი მეზღვაური.

ორი ცოცხალი მეზღვაური თანდათან მიახლოვდებოდნენ მე.

— შენ თავისუფალი ხარ! — შემომძახეს მე. — გერმანიაში რევოლიუცია დაიწყო.

არ მახსოვს შემდეგ რა მოხდა. როცა გამოვერკვიე, მე უკვე საპატიმროს კანტორაში ვიჯექი, აქვე ისხდნენ დანარჩენი ამხანაგები, რომლებიც უკვე მზად იყვნენ წასასვლელად.



ამხ. რაიხპიჩი.

ალაყაფის კარებთან ჩვენ ხელი დაგვავლო ზღვა ხალხმა და წაგვიყვანეს „ინტერნაციონალი“-ს სიმღერით ქალაქისაკენ.

„ინტერნაციონალი“ ეს ის სიმღერაა, რომლითაც ჩვენ ამ თოთხმეტობდე თვის წინად სახრჩობელასკენ გავაცილეთ. ამხ. რაიხსპიჩი და კებესუ, ეხლა კი ამავე სიმღერით შემოგვეგება ხალხი და დავიძარით ქალაქისაკენ.

რამდენიმე დღის შემდეგ დაეცა პირველი მსხვერპლი რევოლუციის და ქალაქის ქუჩებიც მოიწყო პროლეტარიატის სისხლით.

ამის დანახვაზე ჩვენში იფეთქა საშინელმა შურისძიებამ და განუსაზღვრელმა ზიზღმა, რომელმაც ყველა ჩვენთაგანს მკაცრად შესძახა: — წინ ახალ ბრძოლისაკენ, ახალ ტანჯვებისაკენ, ახალ უბედურებისაკენ! წინ პროლეტარული რევოლუციის საბოლოოდ გასამარჯვებლად.

წითელფრონტელი.

ზრდისა და განმტკიცების ნიშნის ქვეშ

განვლილი ხუთი წლის მუშაობა ჩვენს ორგანიზაციაში მიმდინარეობდა შეუჩერებელი ზრდისა და განვითარების ნიშნის ქვეშ. ტფილისის ყველა დაწესებულებებსა და ფაბრიკა-ქარხნებში გაფანტულნი არიან რემედისის წევრები, რომლებიც თავიანთ ყოველდღიური, სამსახურის



მაქს ჯელცი

ცნობილი გერმანელი რევოლუციონერი. ჯელცი ამას წინად გაანთავისუფლეს საპრობილედან. ის ამჟამად საბჭოთა კავშირშია.

მოვალეობის ასრულებასთან ერთად არ ივიწყებენ რევოლუციისათვის მებრძოლთა საერთაშორისო ორგანიზაციას, ისინი ყოველმხრივად ხელს უწყობენ არა მარტო კაპიტალის პატიმართა დასახმარებლად რეალურ ფონდის შექმნას, არამედ ანვითარებენ საერთაშორისო მებრძოლ პროლეტარიატთან მჭიდრო ერთსულოვნების იდეას და დღითი-დღე სულ უფრო და უფრო აყალიბებენ ამ იდეის გარშემო აქტივთა კადრებს.

ახლო წარსულში ჩატარებულმა რემედისის ტფილისის მოთხე სარაიონო კონფერენციამ ერთხელ კიდევ დაამტკიცა, რომ ჩვენი ორგანიზაციის ზრდისა და განვითარების მოსაწესრიგებლად აღებული სწორი გეზი ერთხელაც არ გამრუდებულა და საანგარიშო პერიოდის განმავლობაში (1928 — 1929 წ.წ.) სწორად ტარდება.

ამ ზრდას ადასტურებს წევრთა შემადგენლობის საგრძნობლად გადიდება, ფინანსიურ ღონისძიებათ გაუმჯობესება და აქტივის ზრდა — მისი მომწიფება და თავისი მოწოდების სიმაღლეზე დაყენება.

ორგანიზაციის წევრთა შემადგენლობის ძლიერებას ადასტურებს შემდეგი ციფრები — მაგ. 1928 წ. პირველ იანვრისათვის ტფილისის რაიონში იყო 69 უჯრედი — 5.598. ხოლო 1929 წ. პირველ მაისისათვის კი — 125 უჯრედი — 11.529 წ.; როგორც ვხედავთ ამ ხნის განმავლობაში უჯრედთა რაოდენობა გაზრდილა 56, რაც უდრის — 44,6%, ხოლო წევრთა რაოდენობა კი — 5931 წევრით, რაც უდრის 51,4%.

ეს ციფრები უფრო თვალსაჩინო გახდება, თუ ჩვენ მოვიგონებთ იმ გარემოებას, რომ 1927 წ. ორგანიზაციის ზრდა გამოიხატება 1926 წ. შედარებით უჯრედთა რაოდენობის 15% გაძლიერებით, ხოლო წევრთა 6% გადიდებით. ეს შედარება ნათლად ადასტურებს იმ გარემოებას, თუ რა დიდი მიღწევა გვაქვს ჩვენ ამ მხრივ უკანასკნელ საანგარიშო პერიოდის განმავლობაში.

ეხლა გადავხედოთ ფინანსიურ შემოსავალს, რაც წლების მიხედვით შემდეგნაირად იცვლება. რაიონის სალაროში სხვადასხვა შემოსავლის სახით შემოვიდა 1925 წ. 4380 მან. 56 კ., 1926 წ. — 5071 მან. 03 კ., 1927 წ. — 6905 მან. 91 კ., 1928 წ. — 12918 მ. 02 კ.

როგორც ვხედავთ ფინანსიური შემოსავალი 1928 წ. 1927 წ. შედარებით 46% გაიზარდა, რაც აუცილებლად მაჩვენებელია ორგანიზაციის ფინანსიური მდგომარეობის სიჯანსაღისა. ამ შეფასებას ადასტურებს აგრეთვე ორივე (27 — 28 წ.წ.) თვეების საშუალო საშემოსავლო ციფრების შედარება და გათვალისწინებული ხარჯთ-ალ-

გლახთა მასებში რემედისის იდეის გავრცელება ქალაქისა და სოფლის კავშირის მთავარი საწინდარია.

რიცხვის შესრულება, მაგალითად 1928 წ. — 129%. რაიონული კომიტეტის ხარჯები 15% არ აღემატება.

ახლა გადავხედოთ აქტივის საკითხს, ორგანიზაციის წევრთა რიცხობრივ ზრდას არ შეეძლო არ გამოეწვია რაიონის მასშტაბით აქტივთა კადრების შესამჩნევი ზრდა. მაგალითად 1927 წ. ბოლო რიცხვებში აქტივთა რაოდენობა განისაზღვრებოდა 28 კაცით, უკანასკნელ კონფერენციის დროს ეს რაოდენობა გაიზარდა 55 კაცამდე — ე. ი. გაიზარდა 49%-ით. ჩვენი აზრით ეს გარემოება აუცილებლად სანუგეშოა და არავითარ შემთხვევაში არ შეიძლება ვიფიქროთ, რომ რემედისის ორგანიზაციას ქალაქის რაიკომის მასშტაბით არ ჰქონდეს თვალსაჩინო მიღწევები საანგარიშო პერიოდის განმავლობაში.

აქვე უნდა აღვნიშნოთ ორგანიზაციის რიცხობრივი შემადგენლობის შესახებ. ჩვენი ორგანიზაციის ძირითადი 12000 წევრიდან, ქალები მხოლოდ 20%, რაც ყოველად შეუძლებელია ჩაითვალოს დამაკმაყოფილებლად. ამ შემთხვევაში არ შეიძლება არ უსაყვედუროთ რაიკომს რომელმაც, როგორც ეტყობა ვერ შესძლო მშრომელ ქალთა ფართე ფენებში მუშაობის გაღრმავება.

საფინანსო დარგში უნდა აღვნიშნოს, რომ 1927 წ. საწევრო ანარცხების დავალიანება უდრის 93%, ხოლო 1928 წ. 95%.

არ შეიძლება არ აღვნიშნოს აგრეთვე მუშაობის სისუსტე რაიონის აქტივთან. მიმდინარე წლის განმავლობაში წევრთა რიცხვობრივად ზრდის მიუხედავად ეს მხარე ძლიერ მოიკოჭლებს. ეს მდგომარეობა კი უსათუოდ უნდა გამოსწორდეს. ხშირად აქტივისტს არ შეუძლია პასუ-

ხი გასცეს ყველა ძირითად საკითხებს ამა, თუ იმ უჯრედების მუშაობაში, ამრიგად ის იძულებული ხდება თავისი ყურადღება შეაჩეროს უფრო მეორე ხარისხოვან საკითხებზე — როგორცაა მაგალითად საორგანიზაციო-ტექნიკური საკითხები. რაიონის აქტივისტთა ასეთ ჩამოქვეითებას წევრთა მასის ყოველდღიურ მოთხოვნილებებიდან არ შეიძლებოდა თავისი უარყოფითი გავლენა არ მოეხდინა რაიონის სახელმძღვანელო მუშაობაზე; ამ გარემოებამ შესამჩნევად ჩამოაქვეითა რაიკომის მუშაობის ხარისხი. ეს მოხდა უმთავრესად იმიტომ, რომ მათ ალლო ვერ აუღეს მუშაობის ახალ ფორმებსა და მეთოდებს.

რაიონული კომიტეტის საანგარიშო მოხსენებაში ცენტრალური ადგილი ექირა უჯრედს, ნასში მუშაობის წარმოების შესაძლებლობას, ძირითად ნაკლსა და მის აღმოფხვრას უჯრედის საქმიანობიდან.

აქ ჩვენ შევჩერდებით მარტო უჯრედის მუშაობის სუსტს მხარეებზე. ასეთ ნაკლს ჩვენი აზრით წარმოადგენს უჯრედის მუშაობის ვიწრო ფარგლებით შემოზღუდვა საერთოდ. აღმზრდელითი მუშაობისადმი ყურადღების მიქცევის სისუსტე, აქტივთან მუშაობის გაძლიერების მოუწყვსირებლობა და სოციალისტურ შეჯიბრებაში სუსტად ჩაბმა. უნდა ითქვას, რომ ჩვენი რაიონის რემედისის მუშაობის უმთავრეს მომენტებს წარმოადგენდა წევრთა რაოდენობის გაძლიერება, მორიგ კამპანიების ჩატარება და მატერიალურ დახმარებათა შეგროვება.

საკმარისია თუ არა ეს საკითხები?



რემედისის შორაპნის სამაზრო კონფერენცია.

უზრუნველყოფს თუ არა რემედსის წინაშე დღეს წამოჭრილ ამოცანების განხორციელებას მხოლოდ ამ ამოცანების ჯეროვნად გადაჭრა?

ყველა ამ საკითხებზე კონფერენციამ უარყოფითი პასუხი გასცა და რაიკომის ახალ შემადგენლობას მისცა დავალება იზრუნოს უჯრედზე, მის შინამუშაოების გაღრმავებაზე, და ყოველი უჯრედის წევრთა გააქტიურებაზე. განსაკუთრებული ყურადღება მიექცა აღმზრდელობითი მუშაობის გაძლიერებას.

აღმზრდელობითი საკითხებში ყველაზე უფრო ყურადღების ღირსია რემედსის ლიტერატურის გავრცელება და საერთოთ წევრთა მასაში ინდივიდუალური ხელისმწერის ჩატარება. თუ შემოსავლის თვალსაზრისით გავსინ-

კავთ ამ საკითხს ასეთ სურათს მივიღებთ: 1925 წ. ხელზე გაიყიდა ლიტერატურა 200 მ. 13 კაპ. ინდივიდუალური ხელის მოწერიდან შემოვიდა 13 მან. 50 კაპ. 1926 წ. გაიყიდა — 468 მან. 40 კაპ., ინდივიდუალური ხელის მოწერიდან შემოვიდა — 68 მან. 33 კაპ., 1927 წ. გაიყიდა — 100 მ., ინდ. ხელის მოწერიდან შემოვიდა — 392 მ. 3-კ., 1928 წ. გაიყიდა — 1.172 მან. 72 კაპ. ინდ. ხელისმოწ. — 481 მან 81 კაპ.

კონფერენციამ სერიოზული ყურადღება მიაქცია ყველა წამოჭრილ ამოცანებს და მიიღო სათანადო გადაწყვეტილებანი ცხოვრებაში გასატარებლად.

იმედია ჩვენი აქტივი გაანაღდებს მას.

გ. ბელიაევი.

ჩ ვ ე ნ ი მ უ შ ა ო ბ ა

(აფხაზეთი)

მიმდინარე წლის აგვისტოს 10, დ. დანდრაში მოწვეულ იქნა რემედსის სარაიონო კომიტეტის გაფართოებული პლენუმი, რომელსაც დაესწრო 11 სოფლის დელეგატები, რიცხვით 50 კაცამდე.

უნდა აღინიშნოს, რომ დანდრის რაიონში რემედსის მუშაობა სათანადო სიმაღლეზე იდგა ყოველთვის. მიუხედავად იმისა, რომ გლეხობაში საერთოდ მოიკოჭლებს რემედსის მუშაობა აღნიშნულ რაიონზე არ შეიძლება ეს ითქვას, რაც უნდა მიეწეროს ადგილობრივ გლეხობის აქტივობას და ხელმძღვანელ ამხანაგების ენერგიულ მუშაობას.

რაიკომის მუშაობის შესახებ მოხსენებით გამოვიდა რემედსის სარაიონო კომიტეტის ყოფილი თავმჯდომარე — ჩერნიაკი, რომელმაც აღნიშნა დანდრის რაიონში რემედსის ორგანიზაციის, როგორც მიღწევები, ისე ნაკლი. მოხსენებიდან გამოიკვია, რომ გლეხობა დიდის სიმბატიით ეპყრობა რემედსის ორგანიზაციას, მისი იდეები

დღითი-დღე იჭრება მშრომელთა ფართე მასებში. მომხსენებელმა აღნიშნა აგრეთვე, რომ რემედსის მუშაობაში აქტიურად ჩაბმულნი არიან, როგორც კომკავშირლები, ისე მოჯამაგირე ახალგაზრდები.

როგორც ირკვევა რაიონში სათანადოთ ვერ ვრცელდება რემედსის პერიოდული და არაპერიოდული გამოცემები, როგორცაა ჟურნალი „რემედსი“ და სხვ. საჭიროა ამ გარემოებას მიექცეს ჯეროვანი ყურადღება და მომავალში გამოსწორებული იქნეს ეს ნაკლი. ჩვენ უნდა ვეცადოთ, რაც შეიძლება მეტი გავავრცელოთ ჟურნალი და საერთოდ რემედსის ლიტერატურა.

აღნიშნულ პლენუმზე თანამდებობიდან განთავისუფლებული იქნა დანდრის რემედსის სარაიონო კომიტეტის თავმჯდომარე ამხ. ჩერნიაკი და მის მაგივრად არჩეული იქნა რემედსის რაიკომის პრეზიდიუმის წევრი მუშა ამხ. აქვსენტი პაპავა.

ა. ბაძალუა.



რემედსის დ. დანდრის (აფხაზეთი) რაიკომის აქტივის გაფართოებული პლენუმი — მოწვ. 1929 წ. აგვისტოს 10.

რემედასი აქტიურად ჩაება შეჯიბრებაში

(ტფილისი. ლენინის რაიკომი)

საბჭოთა კავშირის ფაბრიკა-ქარხნები უკვე ჩაებნ სოციალისტურ შეჯიბრის ფერხულში. ამ გაცხოველებულ მუშაობის პროცესში უდიდეს აქტივობას და შემოქმედებითი უნარიანობას იჩენს ჩვენ კავშირის მუშათა კლასი.

სოციალისტური შეჯიბრება გადაიქცა მასების უდიდეს მამოძრავებელ ძალად, რამაც ხელი უნდა შეუწყოს ჩვენი ქვეყნის მრეწველობის განვითარებასა და კულტურული დონის აწევას. მთელი საბჭოთა საზოგადოებრივობა ჩაბმულია ამ შეჯიბრში და ისინი პრნათლად ასრულებენ ამა, თუ იმ ამოცანას ამ სფეროში. ამ შემთხვევაში რ ე მ ე დ ა ს ი მ ა, როგორც მშრომელ მასების ინტერნაციონალურად აღზრდის ერთ-ერთმა უდიდესმა ფაქტორმა ხელი უნდა შეუწყოს ამ შეჯიბრების ღირსეულად ჩატარებას და თავის ყოველდღიურ პრაქტიკულ საქმიანობაში განსაკუთრებული ყურადღება უნდა მიაქციოს ამ მუშაობის ბრწყინვალედ დაგვირგვინებას.

რ ე მ ე დ ა ს ი ს ლენინის რაიკომი უკვე შეუდგა სოციალისტურ შეჯიბრებაში, რემედასის ორგანიზაციების მონაწილეობის შესახებ, რემედასის ტფილისის კომიტეტის მეორე პლენუმის დადგენილებათა ცხოვრებაში გატარებას. ეხლა კი, სიტყვა რემედასის ძირითად ორგანიზაციებს ეკუთვნის. შეჯიბრების ჩატარებას განსაკუთრებული ყურადღებით უნდა მოეპყრას საყუდის კოლექტივთან არსებული რემედასის უჯრედი, რომელმაც თავის უახლოეს ამოცანებათ უნდა დაისახოს:

1) რემედასის რიგების ერთი-ორად გადიდება, 2) საწევრო ანარიცხების სრული 100% ლიკვიდაცია, ამავე დროს მან ჯეროვანი ყურადღება უნდა მიაქციოს ძველი დავალიანების მთლიანად დაფარვას და მომავალში ორგანიზაციის მატერიალურ ღონისძიებათა სათანადო დონეზე დაყენებას საღამო-წარმოდგენების მოწყობით და სხვა. 3) უჯრედები უნდა შეეცადონ, რათა გლეხობის მეტი პროცენტი იქნეს ჩაბმული რემედასის მუშაობაში, სოფლისა და ქალაქის კავშირთან ერთად საშეფო სოფლებში გამგზავრებისა და მათთან მჭიდრო, ცოცხალი კავშირის დაჭერით, რემედასის სათანადო ლიტერატურის მიწოდებით და სხვა. 4) დამყარებული უნდა იქნეს წერილობითი კავშირი იტალიის საშეფო საპატიმრო „კოსელ ფრანკოსთან“. ამავე დროს შემოღებული უნდა იქნეს სისტემატიური მიწერ-მოწერის წარმოება ამ ქვეყნის საფაბრიკო-საქარხნო კომიტეტებთან. 5) რემედასის წევრთა ჩასაბმელად სოციალისტურ შეჯიბრებაში, წამოყენებულ უნდა იქნეს შემდეგი ლოზუნგები: „ა რ ა რ ი ს ა რ ც ე რ თ ი უ ქ მ ა დ მ ო ხ ე ტ ი ა ლ ე

რ ე მ ე დ ა ს ე ლ ი“. „ს ო ც ი ა ლ ი ს ტ უ რ შე ჯ ი ბ რ ე ბ ი ს ა მ ო ც ა ნ ე ბ ი ს გ ა ნ ს ა ხ ო რ ც ი ე ლ ე ბ ლ ა დ პ ი რ ვ ე ლ რ ი გ ე ბ შ ი უ ნ დ ა დ ა ი რ ა ზ მ ო ნ რ ე მ ე დ ა ს ე ლ ე ბ ი“.



ტარას-შეგინკოს რაიონის გლეხებმა პირველ მაისის დღესასწაულის დღეს კოლექტიურად დაამუშავეს და დათესეს 2½ ჰექტარი მიწა რემედასის სასარგებლოდ.

აა, ის მთავარი ამოცანები, რომლებსაც უნდა დაეყრდნონ რემედასის უჯრედები. ცხადია, მარტო წამოყენებული ამოცანებით განსაზღვრა შეუძლებელია. ეს ამოცანები გამოტანილი უნდა იქნეს მშრომელთა ფართე მასებში, რემედასის წევრთა გაფართოვებულ კრებებზე და მათ ირგვლივ უნდა გაიმართოს გაცხოველებული აზრთა გაცვლა-გამოცვლა. რემედასის უჯრედთა ბიუროებმა ხელი უნდა შეუწყონ საზოგადოებრივი აზრის შექმნას. დე, თვით რემედასის მასამ გამოამუშავოს ჩვენი საზოგადოებრივობის ყოველდღიურ მუშაობაში არსებული ნაკლულოვანებანი.

უჯრედთა შორის შეჯიბრების შედეგის გამოკვლევაში ორგანიზაციის ყოველმა წევრმა უნდა მიიღოს მხურვალე მონაწილეობა, ვინაიდან ამხანაგური, შეგნებული და შეკავშირებული მოქმედება არის ჩვენი ნაყოფიერი მომავლის უზრუნველყოფის მთავარი საწინდარი.

ამრიგად საყუდის კოლექტივის რემედასის უჯრედებმა ხელი უნდა შეუწყონ შეჯიბრების ჩატარების დროს მშრომელ მასების ინტერნაციონალურად აღზრდას, შრომის ნაყოფიერების აწევას, ჩვენს ყოველდღიურ საქმიანობაში სუსტი მხარეების გამომჟღავნებას, მის გამოჯანსაღებას და რაც მთავარია, საერთაშორისო რევოლუციისათვის მებრძოლთა მატერიალურ დახმარების ერთი-ორად გაძლიერებას სოციალისტური რევოლუციის ბრწყინვალედ დასაგვირგვინებლად მთელს მსოფლიოში.

ნ. ზლატნიცკი.

რემედასის ს. ც. კ. გამომცემლობა.

პ/მგ. რედაქტორი: შაფუა ლეშავა.

რეგულაციის სამ. ცენტრ. კომიტეტის გამომცემლობა

თბილისი, კომინტერნის ქ. № 5. II-ე სართ. ელ. № 17—42

რეგულაციის სამ. ცენტრ. კომიტეტის გამომცემლობა

რეგულაციის

რეგულაციის

== გამომცემლობა

ხელის მოწ. პირადები:

1 თვით	20 კ.
3 თვით	60 „
6 თვით	1 მ. 15 „
9 თვით	1 „ 70 „
1 წლით	2 „ 20 „

12

ნომერი